

**Agencija za izdavanje garancija
od političkog i ratnog rizika inostranim
investitorima i trgovcima
„IGA“ d.o.o. Sarajevo**

Finansijski izvještaji za period do 4. juna
2007. su pripremljeni u skladu sa
međunarodnim standardima finansijskog
izvještavanja i izvještajem nezavisnog
revizora

- Izvod -

Odgovornosti za finansijske izvještaje

Uprava je dužna da sastavlja i podnosi računovodstvene izvještaje za svaku finansijsku godinu u skladu sa Međunarodnim standardima finansijskog izvještavanja (MSFI), koji su objavljeni od strane Odbora za međunarodne računovodstvene standarde (IASB), a pružaju istinit i fer pregled stanja rezultata Agencije za izdavanje garancija od političkog i ratnog rizika inostranim investitorima i trgovcima "IGA" d.o.o. Sarajevo za navedeni period.

Nakon provođenja odgovarajućih istraživanja, Uprava opravdano očekuje da će Agencija u dogledno vrijeme raspolagati odgovarajućim resursima, te stoga i dalje usvaja načelo vremenske neograničenosti poslovanja pri sastavljanju finansijskog izvještaja.

Odgovornosti Uprave pri izradi finansijskih izvještaja obuhvataju sljedeće:

- odabir i dosljednu primjenu odgovarajućih računovodstvenih politika;
- davanje opravdanih i razboritih prosudbi i procjena;
- postupanje u skladu s važećim računovodstvenim standardima, uz objavu i obrazloženje svih materijalno značajnih odstupanja u finansijskim izvještajima;
- sastavljanje finansijskih izvještaja pod pretpostavkom vremenske neograničenosti poslovanja, osim ako pretpostavka da će Agencija nastaviti poslovanje nije primjerena.

Uprava je odgovorna za vođenje odgovarajućih računovodstvenih evidencija, koje u svakom trenutku s opravdanom tačnošću prikazuju finansijski položaj Agencije. Takođe, Uprava je dužna pobrinuti se da finansijski izvještaji budu u skladu sa Zakonom o računovodstvu i reviziji Federacije Bosne i Hercegovine. Pored toga, Uprava je odgovorna za čuvanje imovine Agencije, te za preduzimanje opravdanih koraka za sprječavanje i otkrivanje prevare i drugih nepravilnosti.

Za i u ime Agencije:

Lamija Kozarić-Rahman, direktor

Izvozno-kreditna agencija Bosne i Hercegovine - IGA
Fra Anđela Zvizdovića 1, toranj B, 2. sprat
71000 Sarajevo
Bosna i Hercegovina

3. oktobar 2007. godine

Izveštaj nezavisnog revizora

Vlasnicima Izvozno-kreditne agencije Bosne i Hercegovine – IGA

Obavili smo reviziju priloženih finansijskih izvještaja Izvozno-kreditne agencije Bosne i Hercegovine – IGA (“Agencija” ili “IGA”), prikazanih na stranicama od 4 do 30, koji se sastoje od bilansa stanja na dan 4. juna 2007. godine, bilansa uspjeha, izvještaja o promjenama na kapitalu i izvještaja o novčanim tokovima za navedeni period, te sažetog prikaza značajnih računovodstvenih politika i drugih napomena.

Odgovornost Uprave za finansijske izvještaje

Uprava je odgovorna za pripremanje i fer prezentovanje priloženih finansijskih izvještaja u skladu sa Međunarodnim standardima finansijskog izvještavanja. Odgovornosti Uprave obuhvataju: dizajniranje, uspostavljanje i održavanje internih kontrola vezanih za pripremanje i fer prezentovanje finansijskih izvještaja koji ne sadrže materijalno značajne pogreške, bilo zbog prevare ili grešaka; odabir i dosljednu primjenu odgovarajućih računovodstvenih politika; te davanje razboritih računovodstvenih procjena u datim uslovima.

Odgovornost revizora

Naša je odgovornost izraziti nezavisno mišljenje o priloženim finansijskim izvještajima na temelju naše revizije. Reviziju smo obavili u skladu sa Međunarodnim revizijskim standardima. Navedeni standardi zahtijevaju da se ponašamo u skladu sa etičkim principima te reviziju planiramo i obavimo na način da dobijemo razumno uvjerenje da finansijski izvještaji ne sadrže materijalno značajne pogreške.

Revizija uključuje primjenu postupaka kojima se prikupljaju revizijski dokazi o iznosima i drugim podacima objavljenim u finansijskim izvještajima. Odabir postupaka zavisi od prosudbi revizora, uključujući i procjenu rizika materijalno značajnog pogrešnog prikaza finansijskih izvještaja, bilo kao posljedica prevare ili pogreške. U procjenjivanju rizika, revizor procjenjuje interne kontrole koje su relevantne za sastavljanje te objektivno prezentovanje finansijskih izvještaja kako bi odredio revizijske postupke primjerene datim okolnostima, a ne kako bi izrazio mišljenje o učinkovitosti internih kontrola u Agenciji. Revizija takodje uključuje i ocjenjivanje primjerenosti primijenjenih računovodstvenih politika te značajnih procjena Uprave, kao i prikaza finansijskih izvještaja u cjelini.

Uvjereni smo da su revizijski dokazi koje smo prikupili dovoljni i primjereni kao osnova za izražavanje našeg mišljenja.

Nesuglasica o računovodstvenim politikama – Neadekvatna objava – Kvalifikovano mišljenje

Kao što je izneseno u Bilješci 1 paragraf a), ovi finansijski izvještaji su pripremljeni za namjeru promjene pravnog položaja Agencije od 4. juna 2007. godine, bilansa uspjeha, izvještaja o promjenama na kapitalu i izvještaja o novčanim tokovima uvršteni u priloženim polugodišnjim finansijskim izvještajima koji su pripremljeni za godinu koja se završila 31. decembra 2006. godine. Ovo predstavlja odstupanje od Međunarodnog računovodstvenog standarda (IAS) 34 – “Interim Financial Reporting” koji zahtjeva da polugodišnji izvještaji sadrže bilans uspjeha, izvještaj o promjenama na kapitalu i izvještaj o novčanim tokovima za usporedivi polugodišnji period za prethodnu finansijsku godinu.

Mišljenje

Po našem mišljenju, osim odstupanja od IAS 34 kao što je navedeno u prošlom paragrafu, finansijski izvještaji prikazuju objektivno, u svim materijalno značajnim stavkama, finansijski položaj Agencije na dan 4. juna 2007. godine, te rezultate njenog poslovanja i promjene u novčanom toku za period od 1. januara do 4. juna 2007. godine, u skladu s Međunarodnim standardima finansijskog izvještavanja.

Deloitte d.o.o.

Sarajevo, 3. oktobar 2007.